

Հ Ա Շ Վ Ե Տ Վ ՈՒ Թ Յ ՈՒ Ն  
ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

**1. Անունը, ազգանունը.**

Արսեն Թորոսյան

**2. Զբաղեցրած պաշտոնը.**

Առողջապահության նախարար

**3. Գործուղման վայրը և ժամկետները.**

2019 թվականի հունվարի 28-30-ը, Բելառուսի Հանրապետություն, Մինսկ

**4. Հրավիրող կողմը.**

Բելառուսի Հանրապետության առողջապահության նախարարություն

**5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).**

Երկկողմ բանակցություններ Բելառուսի Հանրապետության առողջապահության նախարարի հետ՝ առավել նախընտրելի, փոխշահավետ փոխգործակցության ուղղություններով համագործակցությունը զարգացնելու նպատակով:

**6. Քննարկված թեմաները.**

Քննարկված հարցերի լայն շրջանակից հիմնական թեմաներն էին օրգանների փոխապատվաստումը, դեղագործությունն ու դեղարտադրությունը, ինչպես նաև ուռուցքաբանությունը, սիրտ-անոթային վիրաբուժությունը:

Հաշվի առնելով Բելառուսի առաջընթացը տրանսպլանտալոգիայի ասպարեզում՝ այցի ընթացքում քննարկվել են այդ ոլորտում Բելառուսի կողմից Հայաստանին մասնագիտական, իրավական և փորձագիտական աջակցության հնարավորությունները:

Միաժամանակ, կողմերը քննարկել են Հայաստանի քաղաքացիների համար Բելառուսում բուժօգնություն կազմակերպելու ուղղությամբ առկա խնդիրները՝ հաշվի առնելով ԱՊՀ, ԵԱՏՄ երկրների միջև ստորագրված համաձայնագրերը և այլ իրավական ակտեր կիրառելու անհրաժեշտությունը:

### **7. Հանդիպումները, ելույթները, բարձրացված կամ քննարկված հարցերը**

Այցի ընթացքում քննարկվեցին հետագա երկկողմ համագործակցության ուղղությունները, ձեռք բերվեցին կոնկրետ պայմանավորվածություններ համագործակցության շուրջ: Մասնավորապես, շուտով կողմերը կոնկրետ համագործակցության շուրջ Հուշագիր կստորագրեն՝ Հայաստանում օրգանների փոխպատվաստման ծառայությունը զարգացնելու նպատակով:

### **8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Հանդիպումների ընթացքում պայմանավորվածության հիմնական ուղղություն է եղել օրգանների փոխպատվաստման ոլորտում գործնական համագործակցության ծավալումը, դեղերի ոլորտում համագործակցության զարգացումը: Պայմանավորվածություն է ձեռք բերվել երկու երկրների առաջատար կլինիկաների միջև ստորագրել փոխըմբռնման հուշագիր՝ Հայաստանում օրգանների փոխպատվաստման ծառայությունը զարգացնելու նպատակով: Կողմերը երկկողմ ուղղակի կապեր ստեղծեցին նաև դեղագործության ոլորտում համագործակցությունը խորացնելու նպատակով:

### **9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Պայմանավորվող կողմերը ջանքեր են ներդնելու ստանձնած պարտավորություններն իրականացնելու ուղղությամբ: Հանդիպումների ընթացքում պայմանավորվածություն ձեռք բերվեց ամրապնդել համագործակցող կողմերի միջև առկա փոխշահավետ կապը: Բելառուսական կողմը աշխատանք կտանի նաև իրենց երկրներում մշտական բնակություն հաստատած ու աշխատող ՀՀ քաղաքացիների բուժսպասարկման ոլորտում ծագած խնդիրները լուծելու ուղղությամբ: Պատրաստվելու է նաև երկկողմ Հուշագիր՝ Հայաստանում փոխպատվաստման ծառայությունը զարգացնելու նպատակով ստորագրելու համար: Հուշագիրը նախատեսվում է ստորագրել առաջիկա ամիսներին:

Դեղարտադրության և դեղերի շրջանառության ոլորտում ևս կոնկրետ քայլեր են ձեռնարկվելու միմյանց ընկերությունների միջև գործնական կապերը խորացնելու ուղղությամբ:

#### **10. Ստորագրությունը, ամսաթիվը:**

**X**

---

2019թ. փետրվարի 1